

Bosna i Hercegovina  
Federacija Bosne i Hercegovine  
Zeničko-dobojski kanton



Bosnia and Herzegovina  
Federation of Bosnia and Herzegovina  
Zenica-Doboj Canton

---

OPĆINA KAKANJ  
*Općinski načelnik*

---

MUNICIPALITY OF KAKANJ  
*Municipality Mayor*

Savjet za privredu i ekonomski razvoj općine Kakanj

## POSLOVNIK

o radu Savjeta za privredu i ekonomski razvoj općine Kakanj

Kakanj, mart 2021. godine

Na osnovu člana 6. Odluke o osnivanju Savjeta za privredu i ekonomski razvoj općine Kakanj, broj: 02/1-1338/21 od 03.03.2021. godine, Savjet za privredu i ekonomski razvoj općine Kakanj na svojoj 1. sjednici, održanoj \_\_. \_\_.2021. godine d o n o s i:

## **POSLOVNIK**

### **o radu Savjeta za privredu i ekonomski razvoj općine Kakanj**

#### **I – OPĆE ODREDBE**

##### **Član 1.**

Ovim Poslovnikom uređuje se način rada i funkcionisanja Savjeta za privredu i ekonomski razvoj općine Kakanj (u daljem tekstu: Savjet), kao i druga pitanja od značaja za rad Savjeta.

##### **Član 2.**

Savjet se osniva kako bi se uspostavio mehanizam javno-privatnog dijaloga za podršku upravljanju lokalnim ekonomskim razvojem i unapređenju poslovnog okruženja u općini Kakanj.

##### **Član 3.**

Savjet se bavi pitanjima i zadacima u skladu sa Odlukom o osnivanju Savjeta za privredu i ekonomski razvoj općine Kakanj, broj: 02/1-1338/21 od 03.03.2021. godine.

##### **Član 4.**

Pravilnik su dužni poštovati i primjenjivati svi članovi Savjeta kao i druga lica koja učestvuju u njegovom radu.

##### **Član 5.**

Svaki član Savjeta ima pravo pristupa informacijama o radu Savjeta. Savjet obavještava javnost o svom radu putem zvanične internet stranice Općine Kakanj, a može koristiti i druga sredstva informisanja. Savjet može donijeti poseban akt kojim će urediti način komunikacije sa javnošću.

#### **II – ORGANIZACIJA I DJELOKRUG RADA SAVJETA**

##### **Član 6.**

Savjet je tijelo koje je sastavljeno od predstavnika javnog, privatnog/privrednog i nevladinog sektora. Prilikom imenovanja članova Savjeta vodiće se računa o rodnoj ravnopravnosti. U ukupnoj strukturi članova Savjeta predstavnici privrednog sektora čine najmanje 50% članstva. Članove Savjeta rješenjem imenuje Općinski načelnik.

##### **Član 7.**

Članove Savjeta iz privatnog sektora predlažu predstavnici privatnog sektora, članove Savjeta iz nevladinog sektora predlažu predstavnici nevladinog sektora, a članove Savjeta iz javnog sektora predlaže općinski načelnik.

##### **Član 8.**

Mandat članova Savjeta traje koliko i mandat Općinskog načelnika. Članovi Savjeta rade na dobrovoljnom principu, bez naknade.

##### **Član 9.**

Radom Savjeta rukovodi Općinski načelnik, kao predsjednik Savjeta, na način utvrđen ovim Poslovnikom. U slučaju spriječenosti ili odsutnosti predsjednika, radom Savjeta rukovodi Pomoćnik Općinskog načelnika za privredu, urbanizam i zaštitu okoline, kao zamjenik predsjednika.